

Қаралды:
ҚР МСМ Мәдениет комитетінің
«Күләш Байсейітова атындағы дарынды
балаларға арналған РММОМИ» РММ
педагогикалық кеңесінің

2021 ж. «4» 11 № 2 хаттамасы

Бекітемін:
ҚР МСМ Мәдениет комитетінің
«Күләш Байсейітова» атындағы
дарынды балаларға арналған
РММОМИ» РММ директоры
Абдрашев Б.Т.

2021 ж. «4» НОЯБРА

ОҚУШЫЛАРДЫҢ АУЫСУЫ ТУРАЛЫ ЕРЕЖЕ

1. Жалпы ережелер

1.1. Қазақстан Республикасы Мәдениет және спорт министрлігінің «Күләш Байсейітова атындағы дарынды балаларға арналған Республикалық мамандандырылған музыкалық орта мектеп-интернаты» РММ-нің (бұдан әрі – Мектеп) осы ережесі Қазақстан Республикасының Конституциясына, «Білім туралы» 27.07.2007ж. № 319-III Заңына, Бала құқығы туралы конвенцияға, Қазақстан Республикасы Білім және ғылым министрінің 2018 жылғы 30 қазандағы № 595 бұйрығымен бекітілген Мамандандырылған білім беру ұйымдары қызметінің үлгілік қағидаларына, «Орта, техникалық және кәсіптік, орта білімнен кейінгі білім беру ұйымдары үшін білім алушылардың үлгеріміне ағымдағы бақылауды, оларды аралық және қорытынды аттестаттауды өткізудің үлгілік қағидаларын бекіту туралы» Қазақстан Республикасы Білім және ғылым министрінің 2008 жылғы 18 наурыздағы № 125 бұйрығына және басқа да нормативтік құқықтық актілерге, сондай-ақ Мектеп Жарғысына сәйкес әзірленді.

1.2. Осы Ереже мектеп-интернат оқушыларының Мектеп ішінде және басқа да оқу орындарына ауысуының талаптарын белгілейді және оны ұйымдастыруды регламенттейді, олардың негіздемесін айқындайды, Мектептің оқу құрылымдық бөлімдері арасында, білім беру процессінің қатысушылары, баланың ата-аналары немесе заңды өкілдері арасында өзара қатынасты реттейді, ауысу кезінде туындайтын даулы мәселелерді шешуді көздейді.

2. Оқушылар ауысуының түрлері

2.1 Музыкаға дарынды балаларды оқыту ерекшелігіне, кәсіби даярлау ерекшеліктеріне, шығармашылық даму деңгейіне, оқушылардың орындаушылық дағдыларының қалыптасуына, сондай-ақ жеке тұлғаның тәни және психикалық мүмкіндіктеріне сәйкес ауысудың келесі түрлері болады:

- Мектеп ішіндегі ауысулар;
- Басқа білім беру ұйымына ауысу.

2.2 Оқушылардың Мектеп ішіндегі ауысулары музыкаға дарында балаларды оқытудың, тәрбиелеу мен дамытудың ең қолайлы жағдайларын жасау. Олардың заңды құқықтарын бұзбау және мүдделерін сақтау мақсатында жүзеге асырылады.

2.3 Оқушылардың Мектеп ішіндегі ауысулары нақты жағдайларды реттеу үшін уақытша құрылған комиссияның (бұдан әрі – комиссия) шешімі негізінде Мектеп директорының бұйрығымен жүзеге асырылады.

2.4 Комиссияның құрамына оқушының ауысуы жүзеге асырылатын бөлімдердің меңгерушілері мен педагогтері, мектеп әкімшілігі кіреді. Комиссия өзінің отырыстарына оқушылардың ата-аналарын немесе заңды өкілдерін, Мектептің сыбайлас жемқорлыққа қарсы іс-қимыл жөніндегі Қоғамдық кеңесінің өкілдерін шақыруға құқылы.

2.3 Оқушылардың Мектеп ішіндегі ауысуларының келесі түрлері болуы мүмкін:

- Бір мамандық шегінде бір педагогтен екіншісіне;
- Басқа мамандыққа (аспапқа, бөлімге);
- Басқа топтарға (топтарға бөліп оқытылатын музыкалық-теориялық және жалпы білім беру пәндері бойынша);
- Бір параллель шегінде бір сыныптан екіншісіне;
- Оқу жылының қорытындылары бойынша келесі сыныпқа ауысу.

2.4 Оқушылардың басқа білім беру ұйымдарына ауысуы:

- Білім алушының тұрғылықты жері бойынша жалпы білім беретін оқу орнына ауысуы;
- Мәдениет және өнер саласындағы басқа мектепке (колледжге), (оның ішінде мамандандырылған музыкалық мектепке (колледжге) ауысу.

3. Бір мамандық шегінде оқушылардың бір педагогтен екіншісіне ауысуы

3.1 Бір мамандық шегінде оқушылардың бір педагогтен екіншісіне оқу жылы ішінде, сондай-ақ оқу жылы аяқталған соң жаңа оқу жылы алдында ауысуы мүмкін.

3.2 Ауысу келесі себептер бойынша жүзеге асырылады:

1) Психологиялық үйлесімсіздік (оқушы-педагог). Мұндай жағдайда бір педагогтен екіншісіне ауысу педагогтің өтініші және бөлім меңгерушісінің өтінімі бойынша жүзеге асырылады. Оқушының педагогі оқушыға толық мінездеме береді, онда оның техникалық дайындығы деңгейі, жұмысқа қабілеттігі, музыкалдығы, сондай-ақ оның әлеуетті мүмкіндіктері көрсетіледі. Қабылдайтын педагог оқушының мінездемесімен танысып, өзінің сыныбына оқушының ауысуына жазбаша келісім береді. Соңғы шешімді ауысу туралы негіздемені қараған соң комиссия қабылдайды.

2) Оқушының ата-анасының (заңды өкілінің) өтініші бойынша. Өтініште оқушының басқа педагогке ауысу негіздемесі мен себептері көрсетіледі. Комиссия ауысу және оның шарттары немесе ауыстырудан бас тарту туралы шешім шығарады, ол қабылданған күннен 5 (бес) жұмыс күні ішінде оқушыға және оның ата-аналарына жеткізіледі.

3) Өндірістік қажеттілік (педагогтің жұмыстан босауы, педагогтің декреттік демалысқа, зейнетке шығуы, педагогтің шекті апталық педагогикалық жүктемесінің асып кетуі) бойынша ауысу мектеп әкімшілігі (комиссия) шешімі бойынша жүзеге асырылады.

4. Оқушылардың басқа мамандыққа (аспап, бөлімге) ауысуы

4.1 Білім беру процессі барысында оқушылардың бір мамандықтан екіншісіне ауысуы мүмкін:

- 1) Бір аспаптан екінші аспапқа (бір бөлімде)
- 2) Бір бөлімнен екінші бөлімге (мамандықты ауыстыру).

4.2 Оқушының бір аспаптан екіншісіне ауысуы (бір бөлімде) белгілі себептер (аспапқа бейімделмеуі, физиологиялық деректері, денсаулық жағдайы) бойынша жүзеге асырылуы мүмкін. Ол үшін:

- Ауыстыратын музыкалық бөлімнің меңгерушісі қызметтік жазбада басқа аспапқа немесе басқа бөлімге ауыстыру қажеттілігін баяндайды;
- Ауыстыратын музыкалық бөлімнің меңгерушісі оқушыны басқа аспапқа ауыстыру туралы педагогтің ұсынымы негізінде, оның музыкалық және физикалық деректерін ескере отырып, Мектеп әкімшілігіне оқушыны басқа аспапқа ауыстыру туралы дәлелді ұсыныспен шығады.

4.3 Мәселені комиссия 5 (бес) жұмыс күні ішінде қарап, шешім қабылдауы және осы мәселе бойынша шешімді жариялауы тиіс.

4.4 Оқушылардың мамандықты ауыстырумен бір бөлімнен екінші бөлімге ауысуы мүмкін. Өздері таңдаған алғашқы аспап бойынша оқу процессінде жеткілікті нәтижелер көрсетпеген, бірақ музыкалық қабілеттері үздік оқушылар басқа мамандыққа немесе басқа бөлімдерге ауыстырылуы мүмкін.

4.5 Оқушының ауысуы тиісті білім беру бағдарламасы және таңдалған мамандық бойынша оқуға қойылатын талаптарға оқушының білімдері, икемдері мен дағдыларының сәйкестігін бағалайтын комиссияның шешімі негізінде жүзеге асырылады. Өтінішке ауыстыратын бөлімнің меңгерушісі жазған оқушының мінездемесі қоса тіркеледі.

4.6 Ауысу және оның шарттары немесе ауыстырудан бас тарту туралы шешімді комиссия шығарады және оны қабылданған күннен 5 (бес) жұмыс күні ішінде оқушыға және оның ата-аналарына жеткізеді.

5. Оқушылардың басқа топтарға (топтарға бөліп оқытылатын музыкалық-теориялық және жалпы білім беру пәндері бойынша) ауысуы

5.1 Оқушылардың бір топтан екінші топқа (топтарға бөліп оқытылатын музыкалық-теориялық және жалпы білім беру пәндері бойынша) ауысуы оқу жылы ішінде, сондай-ақ оқу жылының соңында немесе басында жүзеге асырылуы мүмкін.

5.2 Ауысуға негіздемелер:

- оқушы ата-анасының (занды өкілінің) өтініші;
- қақтығысты жағдайларды реттеу жөніндегі жауапты тұлғалардың қызметтік жазбалары (сыныптастармен, педагогпен қақтығыс);
- өндірісітк қажеттілік (оқушылардың топтарға тең бөлінуін сақтау, педагогтердің апталық жүктемесін қайта бөлу, жұмыстан босау, декреттік демалыстар, зейнетке шығу және т.б.).

5.3 Ауысу тиісті топтарда орын болған жағдайда ғана жүзеге асырылады.

5.4 Ауысу және оның шарттары немесе ауыстырудан бас тарту туралы шешімді комиссия шығарады және оны қабылданған күннен 5 (бес) жұмыс күні ішінде оқушыға және оның ата-аналарына жеткізеді.

6. Оқушылардың бір параллель шегінде бір сыныптан екіншісіне ауысуы

6.1 Оқушылардың бір параллель шегінде бір сыныптан екіншісіне ауысуы төмендегі жағдайларда мүмкін:

- оқыту тілін таңдау бойынша;
- сынып-жинатарды топтастыру бойынша.

6.2 Оқыту тілін таңдау бойынша оқушылардың бір параллель шегінде бір сыныптан екіншісіне ауысуы «Білім туралы» ҚР Заңының 26-тармағына және Бастауыш, негізгі орта, жалпы орта білімнің жалпы білім беретін оқу бағдарламаларын іске асыратын білім беру ұйымдарына оқуға қабылдау тәртібіне сәйкес жүргізіледі;

6.3 Сынып-жинақтарды топтастыру мақсатында оқушылардың бір параллель шегінде бір сыныптан екіншісіне ауысуы сыныптарда оқушылар санының ауытқуын жоюды, контингентке қойылатын талаптарға сәйкес сыныптарды топтастыру, сондай-ақ оқу бағдарламаларын игеруге оқушыларға тең құқықты жағдайлар жасауды көздейді;

6.4 Оқушыны ауыстыру мүмкіндіктерін оқушының оқыту тілін таңдау туралы оның ата-анасының (занды өкілінің) өтінішін қарау, сондай-ақ Мектептің жауапты тұлғаларының қызметтік жазбалары негізінде әкімшілік айқындайды.

6.5 Ауысу және оның шарттары немесе ауыстырудан бас тарту туралы шешімді комиссия шығарады және оны қабылданған күннен 5 (бес) жұмыс күні ішінде оқушыға және оның ата-аналарына жеткізеді.

6.6 Оқушының бір параллель шегінде бір сыныптан екіншісіне ауысуы оқу жылы ішінде тиісті сыныптарда орын болған жағдайда мүмкін.

7. Оқу жылының қорытындылары бойынша келесі сыныпқа ауысу

7.1 Оқу жылының білім беру бағдарламасын толық көлемінде меңгерген оқушылар Мектептің педагогикалық кеңесінің шешімі негізінде Мектеп директорының бұйрығымен келесі сыныпқа ауыстырылады.

7.2 Оқушыларды ауыстыру, үлгерімін ағымдағы бақылау, аралық және қорытынды аттестаттауының үлгілік қағидаларына, сондай-ақ мамандандырылған музыкалық ұйымдарда оқыту ерекшелігіне сәйкес мектеп-интернатта білім беру бағдарламасын меңгеру техникалық сынақтар, академиялық концерттер, музыкалық-теориялық пәндер бойынша ауызша және жазбаша емтихандар түрінде арнайы пәндер бойынша білім алушылардың аралық және қорытынды аттестаттауымен сүйемелденеді.

7.3 Бес балдық жүйе бойынша оқу жоспарының барлық пәндерінен қойылған қорытынды бағалар педагогикалық кеңестің шешіміне сәйкес оқушының келесі сыныпқа ауысуына, 9, 11, 12 сыныптардың оқушыларын мемлекеттік қорытынды аттестаттауына жіберуге негіз болып табылады.

8. Білім алушының тұрғылықты жері бойынша жалпы білім беретін оқу орнына ауысуы

8.1 Оқушылардың тұрғылықты жері бойынша жалпы білім беретін оқу орнына ауысуы оқушының ата-анасының немесе заңды өкілінің қалауы мен өтініші, сондай-ақ мектептің педагогикалық кеңесінің шешімі бойынша жүзеге асырылады;

8.2 Мектепте белгіленген конкурстық сыныптарда – 1, 4, 9 сыныптарда дарынды балаларға арналған мамандандырылған музыкалық мектепте кейінгі кәсіптік білім алуға оқушылардың жарамдылығын анықтау үшін оқу жылының соңында арнайы және музыкалық-теориялық пәндер бойынша емтихандар өткізіледі. Осы сыныптарда қорытынды аттестаттаудан өтпеген оқушылар Мектептің педагогикалық кеңесінің шешімімен тұрғылықты жері бойынша жалпы білім беретін мектептерге ауыстырылады.



8.3 Оқу кезеңінде ерекше күтімді қажет ететін ауруы анықталған, бір уақытта 2 мектепте: музыкалық және жалпы білім беретін мектептерде оқу үшін үлкен жүктелімге тыйым салынған оқушылар дарынды балаларға арналған мамандандырылған музыкалық мектепте білім ала алмайды және тұрғылықты жері бойынша жалпы білім беретін мектептерге ауыстырылады.

9. Мәдениет және өнер саласындағы басқа мектепке (колледжге), (оның ішінде мамандандырылған музыкалық мектепке (колледжге) ауысу.

9.1 Мәдениет және өнер саласындағы басқа мектепке (колледжге), (оның ішінде мамандандырылған музыкалық мектепке (колледжге) оқушылардың ауысуы оқушының ата-анасының немесе заңды өкілінің өтініші бойынша жүзеге асырылады.

10. Нормативтік база

1. Қазақстан Республикасының 1195 жылғы 30 тамыздағы Конституциясы;
2. «Білім туралы» Қазақстан Республикасының 2007жылғы 27 шілдедегі № 319-III Заңы;
3. «Мамандандырылған білім беру ұйымдары қызметінің үлгілік қағидаларын бекіту туралы» Қазақстан Республикасы Білім және ғылым министрінің 2018 жылғы 30 қазандағы № 595 бұйрығы;
4. «Орта, техникалық және кәсіптік, орта білімнен кейінгі білім беру ұйымдары үшін білім алушылардың үлгеріміне ағымдағы бақылауды, оларды аралық және қорытынды аттестаттауды өткізудің үлгілік қағидаларын бекіту туралы» Қазақстан Республикасы Білім және ғылым министрінің 2008 жылғы 18 наурыздағы N 125 бұйрығы;
5. Бала құқығы туралы конвенция;
6. Қазақстан Республикасы Мәдениет және спорт министрлігінің «Күләш Байсейітова атындағы дарынды балаларға арналған Республикалық мамандандырылған музыкалық орта мектеп-интернаты» РММ-нің Жарғысы

Әзірлеуші:			
№	Қызметкердің аты-жөні	лауазымы	қолы
1.	Сурапбергенова Светлана Алмабаевна	Директордың музыка жөніндегі орынбасары	
2.	Мусрепова Меруерт Сейсеновна	Директордың оқу жөніндегі орынбасары	
Келісілген:			
№	Қызметкердің аты-жөні	лауазымы	қолы
1.	Кошкарбаева Алия Рахымжановна	«Адалдық алаңы» сыбайлас жемқорлыққа қарсы қоғамдық кеңесінің төрайымы	
2.	Болсамбеков Нияз Абдыкадырович	Мектеп-интернаттың заңгері	